

## Breav zirculara par geniturs nr. 4 – marz 2024

### Stimos geniturs a stimadas parsùnas raspunsavlas par l'educaziùn

Co quegl ca veva anunztgieu, survagnez Vus la 4. breav zirculara avànt Pastgas. Tier nus e blear àn movimaint. L'ocupaziùn da las plazas a digls pensums va ancùnter la fegn. Antocen tier las vacànzas da parmavera luvrainsa ved igls uraris, igl cunzegl scola organisescha la radunànta da delegos digl zarcladur ad ear schiglioc vainsa betga lungureala.



### NEWS LA SITUAZIÙN DA LAS PLAZAS

#### Primara a KIGA Andeer

La **Bettina Stocker** da Flearda vean a surprendre igl proxim on da scola las mias lecziùns da pi+ (promoziùn integrativa). *Cordialmeing bagnvagnida Bettina!*

La **Jutta Rüttger** (DaZ/KIGA Andeer) bandùna da stad la nossa scola. *Graztga fetg par la tia lavur Jutta!*

La **Victoria Buchli** da Scharons vean surprendre igl gi liber da l'Annika. *Nus salegragn sen te Victoria!*

Nus vagn ànc a màn d'organisar l'ocupaziùn da la plaza SHP/ISS.

#### Primara Donat a Scoleta Ziràn

La **Simona Viletta** à sadezidieu da far egna possa digl dar scola, quegl or da motivs da sànadad. La Simona bandùna la SVS gea igl avregl. La surmestra da classa à infurmo igls sculars a las scularas. *Anavànt bün migliuramaint Simona!*

La **Seraina Lony** surpranda la substituziùn da la Simona antocen la stad. *Graztga fetg Seraina!*

Nus vagn ànc a màn d'organisar l'ocupaziùn da la plaza da la pedagoga curativa an scoleta.

#### Scalem superiur Ziràn

La **Maria Ida Baldeschi** bandùna da stad la nossa scola. *Graztga fetg par la tia lavur Maria Ida!*

Igl **Hannes Ineichen** vut luvrar ple poc an scola. Las davosas eandas à el dantant sadezidieu da luvrar tier nus sco surmester durànt egn gi l'eanda. *Nus salegragn da quella dezisiùn Hannes!*

La **Quirina Lechmann** da Domat/Ems instruescha igl proxim on da scola sco surmestra da classa oravànttut agls roms linguistics. *Cordialmeing bagnvagnida Quirina!*

La **Natascha Anotta** da San Berndardino antscheva ear la sia lavur agl team digl scalem superiur. Ella surprena oravàntttut lecziùns da talian. *Benvenuto Natascha!*

Avànt las vacànzas da stad survagnez Vus egn curta preschantaziùn da las novas fatschas, sco quegl ca nus vagn fatg l'antscheata digl on da scola.

## **IGL BIRO DA LA MANADRA DA SCOLA**

Igl biro da la manadra da scola **e saro** agl futur mintgame las **gievgias suaintermiezgi**. Natiralmeing c'ign sa contactar me an cass urgiants.

## **IGLS ROMS D'ELECZIÙN**


Nov e'gl ascheia c'igl e obligatori ca tut igls sculars a las scularas digl scalem superiur ca vignan da la scola Donat visitan anavànt lecziùns da rumàntsch. Igl dat dantànt la pussevladad da prender talian a franzos sco roms d'elecziùn. Igl sculars a las scularas ca vignan da la primara Andeer (Avers) visitan agl scalem superiur anavànt talian (rom obligatori). Par els resta la pussevladad da visitar igls roms d'elecziùn rumàntsch a franzos.

## **RAZ A DAZ**

Agls liacs da las scolas da la SVS vean l'instrucziùn da RaZ (rumàntsch sco savund lungatg) a DaZ (tudestg sco savund lungatg) promovida da madema maniera. Sch'igl e dabasegns d'egna promoziùn a sch'igl e avànt màn parsùnas d'instrucziùn adatadas vignan quellas lecziùns purschidas.

## **AGENDA**

18.03.24:	rimnada da pulpier vigl Ziràn/Donat
19.03./21.03.24:	gis da visita da geniturs
28.03./29.03.24:	gis cantunals da unihockey scalem superiur/ scalem masàn
29.03.24:	Vendargis Sontg
01.04.24:	Gliendasgis Pastgas
09.04.24:	igl inspectorat evaluescha l'individualisaziùn segl scalem superiur
20.04.-04.03.24:	vacànzas da parmavera



Nus giavischagn gis da Pastgas plagn humor ad egn legrevla tscheartga digls ovs!

